

Раиса Зайкова

Рытъя
лөвпъяс



Раиса Зайкова

Рытъя мөвпъяс

Кывбуръяс

Сыктывкар

2015

ЗАЙКОВА Р. И.

Рытъя мөвпяяс. Кывбурьяс. – Сыктывкар, 2015. –
28 лист бок.

Меным окота лэдзны пöчöльсь, Кулöмдін районса Мыс сиктысь
Раиса Ивановна Зайковалысь, кывбурьяса нейджыд небöг, медым
йöзыс да нималана гижысьяс донъяласны найöс да тöдасны, кутшöм
енбиа морт олö Коми муын.

Василина Зайкова



Раиса Ивановна Зайкова йылысь

Меным зэв ёна окота висътыштны менам пöчук Раиса Ивановна Зайкова йылысь, кодi нывкаoн на XX нэмлöн мöд джынйын босътчылöма гижны кывбуръяс.

Раиса Ивановна (нывдырся овыс – Матюшева) чужлöма 1956 вося февраль 14-öд лунö Кулöмдiн районса Парч сиктын зiль да енбиа семьяын. Мамсö шулöмаoсь Марина Ануфриевнаoн, батысö – Иван Васильевич Матюшевöн. Пöчö семьяын вөлöмаoсь 8 чоя-вока: Анна, Виталий, Галина, Василий, Раиса, Тамара, Нина да Альбина. Пöчук вөлöма 5-öд кагаoн. Коркö сийö казътыштлис аслас олöм йывсвыс: «Уджыд век сюрлис. Мамö, папö да ыджыд-джык чоя-вокöй удж вылад водз мунлисны, а посни челядьтö некodлы вöли кольны. Пöч-пöльыд эз нин ловъяoн вöвны, меным вöли и кольöны челядьтö да гортса удж – джодж чышкыны, порсылы

нявда чукортны да сідзи водзё. А пösуда мыськалöмьд дзoля дырйиыд вöли кажитчö зэв сьöкьд уджөн. И та вöсна паськьд лабич вылö пукта ьджьд тасьтi, кисьта йöв, чеглала нянь да сувтöда челядьтö сы гөгөр – и челядьыд пötöсь и тасьтi-паньтö этша колö мыськавны».

Öкмысöд класс помалöм бöрын 1972 воын Раиса пырöма велöдчыны 8 №-а профессионально-технической училищеö киномеханикö. А 1973 вося июль 9 лунö сийöс ьстöны Мыс сиктö тöлысь кежлö практика вылö. Во мысти нин, 1974 воын, Раиса Ивановна петö верöс сайö. Верöснас лоö Мысса зон мича да мелi Василий Ефимович Зайков, кодöс ноябрь 5 лунö нуöны армияö. Регьд мысти, декабрь 14 лунö, налөн чужö медводдза пи – Николай, сы бöрын ныв – Антонида, а сэся пи – Станислав. 1991 восянь Р.И. Зайкова уджалыштiс челядь садьин воспитательлы отсасьысьөн, а 1993 вося февраль 1 лунсянь да 2014 вося май 31 лунöдз уджавлiс Мыс сиктса администрацияын специалистөн. 2014 вося сентябрь 29 лунö Раиса Ивановна да Василий Ефимовичлөн свадьба лунсянь тыри 40 во. Тайö луньслы сиймөн Р.И. Зайкова гижис шмонитана кывбур, кöни петкөдлiс верöсыскöд олöмысь серамбана здукьяссö.

Кывбурьяс гижны Раиса Ивановна босьтчылöма 7-öd классын велöдчигас, кор веськөдлöма школаса радио кружокөн. «Ме кывбурьястö дзoлядырйи ёна гижли, радио кружокын ёнджыкасö гижасьлы Саша Путятовкөд школьной тема вылö. Ме вöли гижа кывбурьяс, а сийö висьтьяс. А сiдзсö ачым гижасьлы любöй тема вылö, но öтчьдысь менсьым кывбура тетрадьöс аддзöма ьджьд-джык Анна чойöй. Сийö и лыддьöма, сэся шуис: «Мый нö, кокньыда овны көсьян?!»– да шыбитiс пачö. Та бöрын ме бура дыр эт гижлы»,– казтьылö Р.И. Зайкова.

Вьлысь сийö заводитöма кывбурьяс гижны Мысö локтём бöрын. Мыйла босьтчöма? А сы вöсна, мый веськалöма тöдтём на сиктö, кöни абу на вөлöмаöсь матысса йöз да ёртьяс, кодьяс дорö позьö вөлём шыödчыны да восьтыны гусьторьяссö. И поэзияөн сийö көсийöма петкөдлыны асьыс сьölөмкылөмьяссö.

Гижөдьясас Раиса Ивановна петкөдлö асьыс став сьölөмкылөмсö, кьдзи радейтö асьыс чужан мусö, вөр-васö,

коми йӱзсӱ. Менам пӱчук гижӱ кывбуръястӱ комиӱн и рочӱн. Ёнджыкасӱ, дерт, комиӱн. Кызди и быд гижысылӱн, менам пӱчӱлӱн эм аслас радейтана тема. Ёнджыкасӱ сийӱ радейтӱ гижны ӱшинь-ын тӱвлысь серпасъяс йылысь, ӱд татшӱм мича серпассӱ некод оз вермы гижны, а сы моз вӱчны – и сӱрни оз вермы лоны.

Раиса Ивановна – зӱв шань да мелӱ пӱч, сийӱ зӱв ӱна радейтӱ челядьӱс и та вӱсна налы сиис уна кывбур да висьт:

*«Бара воис озыр ар,
Папӱ кыяс сьӱла-тар.
Пӱчкӱд ӱктам чӱд да пув,
Мамӱ вотас турипув».*

Сы кодь мортыс вӱльнӱй светас зӱв этша. Мыс сиктсаяс тӱдӱны пӱчӱлӱн кывбуръяс мичаа гижны сям йылысь, и тшӱкыда шыӱдчӱны сы дорӱ, а Раиса Зайкова зильӱ отсавны быд мортлы. Эз ӱтчыдысь лӱсьӱдлы выль кывбуръяс конкурсъяс вылӱ. Шуам, ПДД (туй вылын ветлысьяслӱн правилӱ) конкурсе кежлӱ сийӱ гижыштӱс со татшӱм кывбур:

*«ПДД кӱ он торкав,
ДТП-ӱ он веськав,
ППС-лы мыж оз сюр,
Штрап вештигӱн оз вись юр!»*

Р.И. Зайкова лӱсьӱдӱ кывбуръяс, медым чолӱмавны ассыс матысса йӱзсӱ да рӱдвужсӱ:

*«Муса чойӱс, дона мортӱс,
Помтӱм милӱсьта да шаньӱс,
Чолӱмалам юбилейӱн!
Ен мед пайдас водзӱ шудтӱ,
Тӱлксӱ-ладсӱ, чоюк, лыдтӱм.
Мича, статья, кытыд лола –
Зӱв тӱ ӱна ставлы колан.
Шог оз майшиӱдлы мед сьӱлӱм,
Дзирдыс синсьыд мед оз кус,
Вояс содӱмсьыд эн майшась,
Татшиӱм ло век збой да сюсь».*

Дерт, танӱ сылӱн гижан уджыс оз на помась.

Раиса Ивановналӱн гижӱдьясын тыдовтчӱ шмонитан кывбуръяс лӱсьӱдан нырвизь:

*«Сёрниыс ёдлөма тайё зэв важён,
Лөсьодас роч мортлы пөчөным пажун,
Пузьодас чай и пызан выв суктас,
Эмсё и абусё туй мортлы пуктас.
Шунысё көсйё: «Лок пөттөдзыд сёй да бура и узь,
Кынөмыд пөт кор, сэк вой абу кузь».
А кужтөгьид шуас, мый дум вылас сюрас
Да кытыськө кывлөмсьыс, мый воас юрас.
«Садись да не ешь, а спать, спать да помер,
Все тебе, брөдягалы, комиссиян номер».
«Сёйтөгьыс мыйкө тай пышйис йөй рочыд» –
Бөрыннас норасис мянлы пөчыд».*

Раиса Ивановна кывбурьясас петкөдлө вольной светсө быдла дорсянь – висьталө и буртор йылысь, и олөмлөн лөк петкөдчөм йывсьыс. Эмось сэтшөм гижөдъяс, кодьясөс лыддигөн нормылө сьөлөм, сэтшөм кыпыда да збыль нога гижөма. Ёния кадө унаөс майшөдлө, мый уна морт уськөдчис юны да пондис юөмысь кувны. Гижысь мортыд оз пет мир туй вылө да оз горзы, а петкөдлө ассьыс видзөдлассө кывбурьясөн:

*«Бөрья кадас юсие-ышимис,
Сиктса мортыд дзыкөдз дышимис,
Колхоз сиктысь мыйөн бырис,
Раскөн-баддьён видз-му тырис».*

Аслас кывбурын автор ышөдө мукөдсө эскыны бурө, а пөтан туйсө адзö Енмын:

*«Сьөлөмөн ставөн оз усьөй,
Шогмытөмөн оз на шусьөй,
Енмыс бур олөмсө сетас:
Бурыс лөклы паньд петас».*

Кывбурьяс гижөм кындзи, Раиса Ивановна босьтчылис и вуджөдчыны. А тайё лөма со кутшөм помка вөсна. Р.И. Зайковалөн инькаыс вөлөма Енлы ёна эскысь мортөн, коді мукөдыскөд өттшөтш чукөртчывлөма молитваяс сьывны. Йөзыс воливлісны асланыс уджөн өтилаө – печкисны, кысисны, путшкисны, кодкө – молитваяс лыддис, кодкө – найөс ас тетрадыс гижавліс. Уна пөрысь нывбабалы роч кывйыд вөлөма сьөкыд, и Р.И. Зайкова вуджө-

даліс молитваяссö да гижалис найöс пöрысь йöзлы тетрадьяс гырысь печатной шыпасьясöн: «Сэн жö олöма йöз – Ёгор Öдя да Öндрей Ольга – да найö вöлі шуöны: ми пö эськö сьылам, но сьöлöмö пö оз мöрччы, потому что рочнас ог бура понимайтöй да»; «Нарöшнö вöлі гырыся гижам, печатной букваясöн. Потому что муртса тöдöны öти кыв-мöдтö. Первой вöлі комиöда лист вылö, а сэсся коминас печатной моз гижа, мед лыддыны аддзисны. Вот печатнöя вöлі кужöны лыддынысö, а прописьюсö – оз».

Медводз Раиса Ивановна вуджöдöма «Ставсьыс му вылын ме грека»: «Ставсьыс му вылын ме грека и юрбита ме Енлы. Ме код вылö кö лöгала, и кодкö ме вылын лöгалö. Кадыс менам абу – и вичкоö гежöда ветла». Мукöд вуджöдöм молитваяслысь нимьяссö пöчöй оз нин помнит – уна каднад вунöдöма. Тайö вуджöдöм молитваяснас йöзыс век вöдитчöны – сьылöны ен праздникяс дырйи, гуасигöн да кулöм мортöс казьтылигöн. Молитваяса тетрадьяссö йöзыс бура видзöны, сіджö, кызди и менам пöрысь пöчук – Текуса Николаевна – видзöны чышъян гартыштöмөн, медым оз ниятчы да вош.

Кызди висътавлі нин, Раиса Ивановна зэв мичаа гижö кыв-бурьяс, дзоля дырйиыс нин Енмыс козьналöма сылы татшöм сямсö. Сылöн кывьяс серти, кор кывбурьяс бура нин кутісны артмыны, сійö заводитіс йöзöдчыны. Сійö ыстывлöма асьыс кывбурьяссö «Йöлöга» да «Парма гор» газетьясö. Но сійö оз нин помнит, кутшöмджык кывбурьяс йöзöдлöма. Абу нин и дивö, та мында во нин кольöма, да и став кывбуртö он жö вермы кутны юрад.

Раиса Ивановналөн меным зэв ёна кажитчис öти кывбур:

«Коми му, тані сöмын абуыс абу!

Асланым сов, из шом, мусир, биару.

Зарникöд öткодьöн вөр вермам шуны:

Стрöитчы, шонтысь да-й вузöсö ну.

Став пöлöс чериыс ты-юын олö,

Зверь-пöтка пармаысь эз жö на быр.

Тöлкөн да ладөн босьтнысö колö,

Огö мед гöльмöй, а озырмам пыр.

Коми морт нималö быдлаын бурён:

Служивöй чинын кöть вермасынiнын,

*Съывны и йӱктыны зэв буре кужӱ,
Кульсысыс унджык выль олысысыс чужӱ.*

*Сӱмын вот частӱкодъ майшасъӱ сьӱлӱм,
Том йӱзлӱн юсьӱмыс лоис нин полӱм.
Лӱкыслы падмӱгнас мый вермас сувтны?
Омӱльӱ сетчӱмыс мый вермас кутны?*

*Кевмыся енлы, мед бур олӱм вӱлӱ,
Некод эз вӱй мед да би пыр эз мун.
Пӱрысь кӱть вермытӱм донӱн коли
Шудаӱн пуксис мед аския лун!»*

Тайӱ кывбурас гижысыс нимкодясьӱ Коми йӱзнас, вӱр-ванас. А кодлы нӱ оз ло нимкодъ гижны аслад чужан му йывсьыд? А лыддынысӱ – нӱшта на любӱ! Но надзӱникӱн, Раиса Ивановна бара жӱ матыстчӱ ӱнӱя нелючки дорас, кызди том йӱз юсьӱны. Быд код мортлы быдтор вылӱ нин веськодъ, весиг мам-батьнысӱ вермасны кедзвотны. А помланьыс бара жӱ эм надея, мый юӱмыс быдлаын кусас, кызди мойдъясын, бурыс вермӱ лӱксӱ либӱ жӱ, быд гым да зэр бӱрын петӱ шондӱ. Кывбурсӱ Раиса Ивановна гижӱма падвежа рифмаӱн, лӱсьӱдӱма хорей размерӱн – кык слога стопа, кӱнӱ ударениеыс усьӱ медводдза слогӱ. Гижысыс пыртӱма аслас кывбурас юалана сӱрникузяяссӱ сы могысь, медым лыддысысысыс вермас думыштны тайӱ юалӱм вылас.

Ме водзӱ на верма тӱянлы унатор висътавны аслам пӱчӱ – Раиса Ивановна йылысь, но бур лоӱ, ме кӱ шуа, мый меным зэв нимкодъ, мый ме ськӱд тӱдса да нӱшта на и, мый ме сьлӱн внучкаыс. Меным лоӱ нимкодъ, менам кӱ пӱчӱ водзӱ на кутас гижны кывбурьяс, кодын ме век казътывла асьсым дзоля дырся кадӱс. Меным окота лӱдзны неыджыд небӱг пӱчӱлӱн кывбурьяснас, медым йӱз да нималана гижысыс аддзыласны да донъяласны сылысь кывбурьяссӱ, медым тӱдмасысны да тӱдасыны, кутшӱм енбиа морт Коми муын олӱ.

Василина Зайкова

КОМИ МУ

* * *

Коми му, тані сёмын абуыс абу!
Асланым сов, из шом, мусир, биару.
Зарникод откодён вөр вермам шуны:
Строитчы, шонтысь да-й вузосё ну.

Став пёлос чериыс ты-юын олө,
Зверь-пётка пармаысь эз жё на быр.
Толкөн да ладён босътнысё колө,
Огө мед гольмөй, а озырмам пыр.

Коми морт нималө быдлаын бурөн:
Служивөй чинын коть вермасынінын,
Съывны и йөктыны зэв бура кужө,
Кулысьысь унджык выль олысьысь чужө.

Сёмын вот частөкодь майшасьё съёлөм,
Том йөзлөн юсьөмысь лоис нин полөм.
Лёкыслы падмөгнас мый вермас сувтны?
Омөльö сетчөмысь мый вермас кутны?

Кевмыся енлы, мед бур олөм вөлі,
Некод эз вөй мед да би пыр эз мун.
Пөрысь коть вермытөм донаён коли
Шудаён пуксис мед аския лун!

Олөмтө олөмыд абу ю вомөн вуджөм,
 Морт ногөн овнытө колө төдөм да кужөм.
 Шуда здукө кө эз тшук тэнад чужөм,
 Шудаөн оз вөч лөсьыд стать ни мича чужөм.

Майбыр морт нэм чөжыс олас куш «гожөм»,
 Коньөр морт нэм чөжыс төдлас куш «ар».
 Майбырыд веськалас збыль верөс сайө,
 Коньөрыд төдлас жө мужиклысь пай.

Майбырлы абуыс воча оз люкась,
 Коньөрыд эмсө син пырыс оз ну.
 Майбырыд мыйкө көть неладнө вөчас,
 Коньөрлы моз некод лёк кыв оз шу.

Вөрас кык өткодь пу некор оз веськав.
 Му вылас кык өткодь мортыс оз сюр.
 Майбырлысь туй визьсө синва оз кисьтав,
 Коньөрлөн шогсьыс оз палявлы юр.

Пап, мам, поп, кык, кок, кук, гаг, сус, сос,
 Водзён шу,коть бөрө кос,
 Өтмоза быд шусьөг кылан,
 кывйён шуалан, коть сьылан.

Лок – татчө, ас динө ме тэнө кора,
 Шөр буквасө вежа – лоө лук.
 Сок – ме горш косьмигөн юны кора,
 Шөр буквасө вежа – лоө вөрыс сук.

Пес – көдзыд дырйи шоньд сетьсь,
 Пос – сытөг керкаө он пыр ни пет,
 Пыс – смьид сытөг оз вур пась ни кепьсь,
 Пас – сытөг туйвизь олөмыд оз сет.

Сер – пөчө пуктө мича носки-кепьсь вылө,
 Сюр – юр кьтшөн новлөны көза, мөс да йөра,
 Сыр – ас йөлысь кө вөчан – чөскьид, вомад сылө!
 Сур – небыд, юмов, быгъя, аслыспөлөс көра.

Нир – вьй гудралан, коляс гырнич бердас.
 Нюр – эн дышөдчы, ветлі, копрась, во чөж вердас.
 Няр – ьждальштө, нярөдчыштө, чиньс сыын,
 Нёр – пулөн ногьс, пөлынтьчөма, пөран вьйын.

Муодз копыр, дона мортöй, тэд став бурсьыс.
 Воон-джынйон олі тэ ордын, кызд гортын,
 Чöскыд шаньга-пирөгөн пыр вердлін,
 Төлкөн-сямөн овны индалін да туйдін.

Керка пытшкыд йөзсьыс эз и кушмыв,
 Пызан вывсьыд нянь кудтö эн вештыв,
 Туй морт пырас либö кодкө ас сиктса,
 Нурийодан и чай стöкан пыр вöлі кисьтан.

Вермытöм да сьомөн слаба олысь
 Тэ ордысь куш кийн оз нин вöлі пет.
 Кодлыкө ас кыём носки-кепысь сетан
 Кодлы сьомтор, кодлы нянь, а кодлыкө – совет.

Кымын морт тэ ордын оліс-выліс
 Он нин помнит, көнкө, лыд ни тшöt.
 Эн тай, майбыр, дөсадаысь повлы,
 Эз öд весьысь енмыс кузь нем сет!

Талун ставкөн öтвыв чолöмалö тэнö
 Верöсыдлөн – Матюшевлөн рөд.
 Синмөн-пельөн, вежөр садьөн овны
 Енмыс сетас бөрья здукөдз мед!

Грешна я, Господи, грешна...

Грешна уж тем, что родилась и живу на грешной земле,

Грешна, что дочь в водовороте жизни себя не нашла,

Грешна, что сыну младшему здоровья дать не смогла.

Грешна, что в храм божий редко на молитвы хожу,

Грешна, что мало под образами с поклоном стою.

Грешна, что лени душевной оправданья ишу,

Грешна, что помощи скорой у бога прошу.

Грешна, что уснуть и забыть все печали хочу,

Грешна, что от горя ночами я плачу, на людях молчу.

Грешна, что ропчу неблагодарно порой на судьбу свою,

Грешна, но верую, надеюсь... и этим живу.

ДУМЪЯС

Бөръя кадас юсис-ышмис,
Сиктса мортыд дзыкөдз дышмис
Колхоз сиктысь мыйён бырис,
Раскөн-баддьён видз-му тырис.

Лыда колис мөс да вөв,
Вузөсö оз вичмы яй ни йөв
Уджтөг олысьыд весьлунö,
Видзөдан да, кодөн мунö.

Сьөлөмөн ставён ог усьой,
Шогмытөмөн ог на шусьой,
Енмыс бур олөмсö сетас:
Бурыс лёклы паныд петас.

Томуловыд öнi юра:
Программатö вöчас бура.
Оланногсö вежас морт,
Кöсийм лоö медбур ёрт!

Коми муёй, сьёлёмшөрöй,
 Бөръя кадас – сьёлёмшог.
 Ладыс олёмас оз тыдав,
 Тöлктөм лои оланног.

Вөртö вузалöны – лыдтөм,
 Пасьвартöны парма шөр.
 Эз кут петны тшак ни вотöс:
 Öвтны кутис гажтөм көр.

Коми йөзлы уджыс абу,
 Гөля олысь гөгөр тыр.
 Деньга воан удж кө ликмас,
 Бокысь локтөм сюртчас пыр.

Уна пөлөс кокньод-выим,
 Сөмын миянөдз оз во.
 Мусир, биарутö нуам,
 Аслыным бөрын оз ло.

Коми муёй, сьёлёмшөрöй,
 Шуам ставөн өтвыв кыв:
 –Тэнö чашвартны ог лэдзöй,
 Дорйөм могысь судзас сыв!

Ставөн өтвылысь ми босьтчам,
 Зіля уджавны быд лун.
 Озырлунным гортö кольччас,
 Бокö, дядьöлы, оз мун.

Коми муёй, сьёлёмшөрöй!
 Коми муёй, шондібан!
 Коми муёй, сьёлёмдойöй!
 Вужвойтырлөн выныс тан!

МЫССА ШКОЛА

Ыджыд өшиньяса, кыпыд лола
Мыс сикт шөрын миян школа.
Улич вылөдз, овлө, дзользьём кылө
Челядь серам-гажысь шогыд сылө!

Уна жырья, югыд, шоныд позйө
Төдөмлуньяс босьтны войтыр волө
Быдтор төдны, мортөн лоны көсйө
Сюся кывзө велөдысьлысь индөм-вөзйём.

Мысса школа, муса школа, челядьдыр
Нэм он вун тэ, збыльысь тайос шуа
Быдмам көть да верстьёөн ми лоам
Паметын тэ колян шань да бур.

Велөдысьлы ыджыд аттьө шуам,
Сьөлөмсянныс вөчө ассьыс удж
Бурө туянаён олөмас мед петам
Мөд ногыс өд, төдам, оз и куж!

* * *

Велөдысь – морт ногөн, разумён лоис мед котыр,
Овлө, и өлөдысь, вывті кор ышмывлас миян том войтыр.
Туйдысь – туй визьтө олөмад босьтны мед сяммин,
Индысь – лёк вылө сетчөмысь косны мед кужин,
Раммөдысь – дөзмигөн лөглы мед паныцөн сувтін.

Ученье – свет, но не каждому светит,
Уменье в руки само не придёт.
Дело старательных, трудолюбивых любит,
Учись и успех тебя тоже найдёт.

Философия – удел не каждого,
Голосом одним тут не возьмёшь.
Она выбирает избранных,
Стандарт тут не подойдёт

Заповеди знать необходимо,
Безбожником стыдно быть.
Обязательно надо много учиться,
Жизнь прожить, а не по течению плыть.

ЧЕЛЯДЬЛЫ

* * *

Бара воис озыр ар,
Папö кыяс сьöла-тар.
Пöчкöд öктам чöд да пув,
Мамö вотас турипув.

* * *

Бйвла вылын пуксис төв,
А ме кöдзыдсыд ог пов.
Гынсапöгöс кöмала.
Пальто улын шонала.

* * *

Менам выим ичöt чой,
Öтлаын ми лун и вой.
Частöкодь кöть лөгасьлам
Öдйö бöрсö раммöдчам.

* * *

Менам быдмö Барсик кань,
Сейö йöв, и яй, и нянь.
Оз ков сылы вилка-пань
Кор оз парсась, зэв на-й шань.

* * *

Кысук лытөр вильöдö,
Понйöс тайö дэльöдö.
Синмös лапнитны эг куж,
Каньлөн ныр улыс нин куш.

Понйöй лысö вильöдö....
Каньлысь ныр вом гильöдö.
Видзöда да понлысь мыш,
Парсалö нин каньлөн гыж.

Любовь! Как много в этом...
Смысла. Это жизни начало.
Рука отца, что в роддоме встречала,
Дитя в колыбели качала потом.

Любовь! Как много в этом...
Нежности в маминой ласке.
Детство, ожидание сказки
Во взрослой жизни потом.

Любовь! Как много в этом...
Встреч, знакомств, ожиданья,
Наслажденья и разочарованья.
Как в кольце без конца и начала
Случается в жизни потом.

Любовь! Как много в этом...
Трепета детских глаз.
В ожидании волшебства и чуда
Сидит на уроке мой класс.

На работу иду как на праздник..
Готовлю игру, песню, рассказ.
Серьёзно, по-взрослому слушаю
Маленьких секретов сказ.

Сердце отдать я готова
За доверчивый детский взгляд.
Мы жить друг без друга не можем,
Поддержим, поймём и поможем!

Любовь! Как много в этом...
Доверия, доброты, надежды,
Детского заливного смеха.
Что откликается эхо!
Нам неудача не беда-
Ведь мы вместе во всем и всегда.
Да!

Слава богу, бара тулыс,
Слава богу, воис март.
Мужик рөдыд баба лунө
Уна ногөн ыждөдлас.

Тайө луныс ставлы төдса
Нывбабалөн сэки власьт.
Сөмын рытнас, видзөдан да,
Уна мужик куйлө пласьт.

Нывбаба пө өблезяна,
Коді шуис – абу шань.
Март төлысьө лыбзьөм серти,
Оласногнас баба – кань.

Жөлөб кузя вoйтва төпкө
Меным пельө быттө шөпкө:
«Некодись, нылө, эн пов
Кыдзи көсьян – сідзи-й ов».

Бөрө том кадыд оз кос
Кыдзи енмөдз абу пос.
Мөдысь му вылө он чуж
Красуйтчыны өні куж.

Синмөй югзис, лолөй ыззис:
Мусукасян кад воис.
Зеркалаө видзөдлі да,
Став колөмыс дубалис.

Ныв чиньд пө абу карнан,
Вөдитчөмсьыд оз на чег.
Зон вөляыд абу калич,
Быд ныв налькйө оз на шед.

Деньгаыд көть чукөрмас,
 Карё мунны эн тэрмась.
 Правилётё первой велёд,
 Ачыд төд да-й другтё олёд.
 Светофорлөн куим син,
 Ставныслён төдчана чин.
 Кольквиж – сулав, видзчысьышт,
 Турунвижнас туйсё вуджны тэрмасьышт.
 Гөрд би улас эн суй голя,
 Сэки машиналөн сёмын вёля.
 Туй вомёныд кужан кор
 Дурпоп моз сэни эн дзөр.

ПДД кө он торкав,
 ДТП-ё он веськав,
 ППС-лы мыж оз сюр,
 Штрап вештигөн оз вись юр!

Руль саяд кор пукалан,
 Кирпич знак кө казялан.
 Сэтчө кежны, төд, оз позь,
 Водзё мунны колё сквөзь.

Помтём визь кө трасса вылын,
 Крук кытшов, сідзкө, небылын.
 Тані пановтны оз шогмы,
 Торкан, водзё мунёмыд оз могмы.

Син водзад кө таштём пас:
 Гөгрөс пөв да шөрас тас,
 Машинанад эн сувт, эн,
 Абу сылы места сэн!

КӦЧ КЫЙӦМ ЙЫЛЫСЬ ВӦТ

* * *

Воскресенньӧ вӧлі стӧч, пукала – нинӧм ог вӧч,
Пачӧр дорын броткӧ пӧч:
«Ветлы вӧрӧ, кый кӧть кӧч...»
Думайтсыны сэки кутіс
«Мый нӧ эськӧ вӧчны кусьыс?
Аслым, гашкӧ, шапка вура, видзӧдсыны кутас бура
Жаритӧмӧн сѣям яйсӧ, лысьыс вӧчам понлы пайсӧ».
Пачӧр дорад бура-й шедӧ, аслам дульпӧй быдсӧн петӧ
Но, а асыв мыйӧн воис, дышӧй меным паньд лоис:
«Бурджык пӧж вай гӧгӧрбок, вӧрад пессяс-мудзас кок».
Думӧй нӧйтчис уна пӧлӧс, ставсӧ веніс дышлӧн гӧлӧс
Гортысь некытчӧ эг мун, куйлі... эсся личчис менӧ ун.

* * *

Кынӧм вӧлі вывті пӧт,
Аддзи сэки тешкодъ вӧт.
Быттьӧ матын ыджыд йӧра,
А сы вылын сюра гӧра.

Зырьӧн пӧрӧдӧны пу,
Черӧн пелялӧны му,
Сѣйӧны сэн еджыд кань,
Шыр куталӧ рудзӧг нянь.

Чугун тырыс пусьӧ кок,
Гын сапӧгӧ суйсьӧ рок.
Гӧрдӧдӧма, кынмӧ жель,
Чуныӧ сатшӧма ёсь пель.

Каньлӧн вомас чирзӧ ныр,
Еждӧдӧма кынмӧм шыр,
Кынӧм вӧлі вывті пӧт,
Аддзывлі, збыль, татшӧм вӧт. Вот.

ЧАСТУШКАЯС

* * *

Мыйла бара шоныд бӱрас кӱдзыд кадыс матыстчӱ,
Мыйла бара верстыӱ бӱрас видчысытӱг пӱрысь суӱ,
Мыйла бара том пӱраыс сӱмын ӱтикысь овлӱ,
Мыйла бара синмысь дзирдыс кусӱм сартас кодь кольӱ?

* * *

Сьӱлӱм шогӱн, сьӱлӱм шогӱн, сьӱлӱм шогӱн тырӱма
Тӱдлытӱг пӱрысьмысьсӱма, ставыс бӱрӱ кольӱма.
Ок эськӱ, бӱр томмыла да чукурӱй кӱ веськалас
Сэки эськӱ уна зонлӱн сьӱлӱмыс на ыркмунлас.

* * *

Чурка вайи, мамӱ бӱрдӱ, а ме гора серала,
Батьӱй кылӱма да горзӱ: «Йӱйлысь юртӱ керала»
Мыйла нӱ ме кута бӱрдны, мыйла кута шогавны?
Эг ӱд ви ме, ни эг гусясь – сьӱлӱмшӱрӱс рӱдитӱ.
Мед колокӱ рочыс шогсьӱ, мед, колокӱ, думайтӱ.
Быдса плӱдӱн жогнитӱ, да мед сӱсся и жуглясьӱ.
Водзӱ вылӱ тӱдны кутас, кыдзи нывтӱ эновтны,
Быдӱнлы ылӱдчысь зонтӱ ме моз колӱ кокӱдны...

* * *

Ог тӱд, мый олӱм ме ола, водзӱ мый лоӱ – ог тӱд,
Мукӱддырйи вемӱс чайта – кватитча да, вӱлӱм вӱт.
Кытчӱ кӱсийӱ – кокӱй нуӱ, юрӱй бӱрсянныс вӱтчӱ,
Чайтӱ, мый вичкоӱ пырӱ, вӱлӱмкӱ, клубӱ кежӱ.
Веськыд бокӱй бурӱ сетчӱ, шуйгаыс – йӱктӱ-сьылӱ,
ӱтар пӱлыс «аминь» шуӱ, мӱдарыс – «танцуй» кылӱ.
Демократиянад торкси, ачымӱс ог гӱгӱрво,
Шӱйӱвошӱмнас нин ола, думайта да, витӱд во.

Нинөмө дзик воны кутлі: другос мөдкөд казялі,
 Кори гөститны да гадлысь шыдсө дустөн азялі.
 Вежон вольпаяс эз водлы, лун-вой нужникын оліс...
 Мөд ныв вылө эз нин дзоргы, ёна-й кулөмысь поліс.

Уна зонкөд гуляйтөмысь мамө лун и вой видө,
 Лөгаси да выль мусуккөд овмөдчи ме ыж гидө.
 Юам-сеям, лунтыр узям, бура унпөтным шедө,
 Гөгөрбок нин, видзөдам да, нигөна вурун петө.
 Оз ков уджавны ни туртны, майбыр тадзитө овны,
 Тшөгны кутім да вот сөмын начкөмысь ковмас повны.

ШМОНИТАНА КЫВБУРЪЯС

* * *

Мыйла бара вонас кыкысь
Выбортö оз лосьöдны?
Позис эськө сэки пöттöдз
Карса концерт видзöдны.

Попов Öлеш сиктö воліс,
Аддзысьлөмьяс нуöдіс.
Ас удж йывсьыс сёрни паніс,
Давыдовөн помаліс.

Депутатö кандидатьяс
Көсйысьнытö кужöны,
Агитаторьяссö весиг
Ас кодьнысö бөрйöны.

Кандидатыд асьсö ошкө,
Мöдсö нййтөн коялө,
Агитатор талун тэкөд,
Аски мөдкөд вашкөдчө.

Дыш морт юö, лэдзчысьöма,
Домтөм пон моз бөвьялө,
Умтөм нывка ылалөмла
Лөк висьöмсö көвьялө.

Доллар Сергей, позьö шуны,
Троя помысь озырмис,
Юысьястö бөбйөдліс да
Выль коромина ньöбис

Сельпо няньөн вердны кутліс,
Ставөн «слава бог» шумим,

Локтіс СЭС да пассё пуктіс,
Бөр ас няньшом дорё колим.

Тулыс воё, ставыс ловзьё,
Сьёлём буртор видзчысьё.
Шонді петас, юным воссяс,
Став лёксё мед кылёдас.

Син мый аддзис, пель мый кыліс,
Олёмсьыс ме пасйышті,
Видзёдлөй да, шогмана кө,
Пукалігмоз лыддыштөй.

ЮРИНДАЛЫСЬ

<i>Раиса Ивановна Зайкова йылысь</i>	3
«Коми му, тані сӧмын абуыс абу!..»	9
«Олӧмтӧ олӧмыд абу ю вомӧн вуджӧм...»	10
«Пап, мам, поп, кык, кок, кук, гаг, сус, сос...»	11
«Муӧдз копыр, дона мортӧй, тэд став бурсьыс...»	12
«Грешна я, Господи, грешна...»	13
«Бӧръя кадас юсис-ышмис...»	14
«Коми муӧй, сьӧлӧмшӧрӧй...»	15
Мысса школа	16
«Велӧдысь – морт ногӧн, разумӧн лоис мед котыр...»	16
«Ученъе – свет, но не каждому светит...»	17
Челядьлы	18
«Любовь! Как много в этом...»	19
«Слава богу, бара тулыс...»	20
«Деньгаыд кӧть чукӧрмас...»	21
«Воскресенньӧ вӧлі стӧч...»	22
«Кынӧм вӧлі вывті пӧт...»	22
Частушкаяс	23
Шмонитана кывбурьяс	25

Литературно-художественное издание

ЗАЙКОВА Раиса Ивановна


ВЕЧЕРНИЕ РАЗДУМЬЯ

Стихотворения

Составитель В.Зайкова
Компьютерная вёрстка – П. Симпелев

Формат 60x84 $\frac{1}{16}$. Гарнитура «Times»

Отпечатано в ООО «Типография «Полиграф-Сервис»
Сыктывкар, ул. Ленина, 4



Съгъвкар
2015